



玉海卷第五十

浚儀王應麟伯厚甫

藝文

譜牒

鄭樵氏族畧曰三代之前姓氏分而為二男子稱氏婦人稱姓氏以別貴賤貴者有氏賤者有名無氏姓所以別婚姻故有同姓異姓庶姓之別三代之後姓氏合而為一皆所以別婚姻而以地望明貴賤於文女生為姓故姓之字多從女如姬姜嬴如姚媯媯媯媯媯之類是也 大傳正義云

始祖為正姓者若炎帝姓姜黃帝姓姬周姓姬本
於黃齊姓姜本於炎宋姓子本於契云高祖為庶
姓者若魯之三桓慶父叔牙季友之後鄭之七穆
子游子國之後為游氏國氏云若今宗室屬籍者
以漢之同宗有屬籍則周家繫之以姓是也 古
者聖人吹律定姓以記其族後之命氏其義有九
蓋號謚爵國官字居事職之謂也自世本起于漢
氏昭穆著于晉家錫土之制著于夏書司商所掌
表於周典

黃帝二十五宗

國語晉司空季子曰黃帝之子二十五人其同姓者
二人而已唯青陽與夷鼓皇甫謚云夷皆為己姓青

陽方雷氏之甥也夷鼓彤魚氏之甥也其同生而異

姓四母之子別為十二姓凡黃帝之子二十五宗史記

紀云二其得姓者十四人為十二姓得姓以德居官

已為十姓為姬酉祁已滕箴任荀僖姁依是也

唯青陽與倉林氏同于黃帝故皆為姬姓同德之難

也如是史記索隱曰姬姓史記嫫祖為黃帝正妃

生二子其後皆有天下曰玄囂昌意 漢王莽傳黃

帝二十五子分賜厥姓十有二氏 命歷序黃帝傳

四 五 母 卷 五

十世一千五百二十年或云十唐吕才曰堪輿經

黃帝對天老有五姓之言後漢書蘇竟曰三十五

姓注春秋運斗樞曰五七三十五人皆兆一德

古之典禮者皆以宗名伯夷作秩宗周官有宗伯下

及鄰家有宗人

五帝繫謀

史記三代世表太史公曰五帝三代之記尚矣索隱

表依帝自殷以前諸侯不可得而譜周以來乃頗可

著孔子因史文次春秋紀元年正月日時蓋其詳哉

至於序尚書則畧無年月或頗有然多闕不可錄故

疑則傳疑蓋其謹也余讀謀記注識者黃帝以來

皆有年數稽其歷譜謀終始五德之傳帝緒始生引黃

古文咸不同乖異夫子之弗論次其年月豈虛論於

是以五帝繫謀尚書集世紀黃帝以來訖共和為世

表索隱曰大戴禮有五帝德帝繫篇太史公取此起

黃帝至顓頊三世帝皓四世帝堯五世至桀二十世

至湯十七世至紂四十六世至武王立十九世自黃

帝至舜禹皆同姓而異其國號以章明德

五帝考德

前漢歷志帝考德曰少昊曰清黃帝之子青陽也注

師古曰考德者考五帝德之書也又有堯舜禹帝系之書 **史記**太史公曰予觀春秋國語其發明五帝德帝繫姓章矣 見下 歐陽脩帝王世次圖序云司馬遷作本紀出於大戴禮世本諸書今依其說圖而考之堯舜夏商周同出黃帝 云云

唐帝系 虞帝系 禹帝系

前律歷志唐帝帝系曰帝嚳四妃陳豐生帝堯封於唐蓋高辛氏衰天下歸之木生火故為火德天下號為陶唐氏即位七十載虞帝帝系曰顓頊生窮蟬亦世生舜處虞之嬀汭堯嬪以天下火生土故為土德

天下號曰有虞氏即位五十載伯禹帝系曰顓頊六世而生禹虞帝嬪以天下土生金故為金德天下號曰夏后氏繼世十七王四百三十二歲 **大戴禮**帝

繫篇第六十三 始於少昊終於塗山 **史記**太史公

曰孔子所傳宰予問五帝德及帝繫姓儒者或不傳予觀春秋國語其發明五帝德帝繫姓章矣 **正義**大戴禮及孔子家語篇名 索隱 **春秋**正義司馬遷采

帝系世本以為史記 **蜀志**秦宓見帝系之文五帝

皆同一族辨其不然之本 **太平御覽**引帝系譜女

媧充樂

堯百官族姓

堯典九族既睦平章百姓注百官也正義此下既言黎民故知百姓即百官族姓也

左傳隱八年無駭卒羽父請謚與族公問族於眾仲對曰天子建德因

生以賜姓立有德為諸侯因其所由生以賜姓若舜由媯內故陳為媯姓胙之土而

命之氏諸侯以字臣位卑不得賜姓故其字為謚因以為

族或稱以先人為族官有世功則有官族邑亦如之公命

以字為展氏諸侯之子稱公子公子之子稱公孫公

孫之子以王父字為氏正義氏族一也釋例曰別而

稱之謂之氏合而言之則曰族例言別合者若宋華

向出戴桓公獨舉其人則云華氏向氏并指其宗則

云戴族桓族記謂之庶姓者以始相為正姓高祖為

庶姓庶姓亦氏族之別名也姓則受之於天子族則

稟之於時君其不賜者各從父之姓族黃帝之子兄

弟異姓周之子孫皆姓姬者古今不同賜姓者亦少唯

外姓媯滿之徒賜族者有大功德宜世享祀者方賜

之王朝大夫不封為國君者王賜之族春秋尹氏武

氏之徒魯挾鄭宛皆未賜族故單稱名華督生立華

氏魯之翬挾柔溺名見於經其後無聞是或不得族

也其士會之帑處秦者為劉氏伍員之子在齊為王

孫氏知果自別其族為輔氏皆身自為之非復君賜
釋例曰子孫繁衍枝布葉分始承其本末取其別故
其流至於百姓萬姓服虔云公之母弟則以長幼為
兵貴適統伯仲叔季是也庶公子則以配字為氏尊
公族屢氏臧氏是也春秋未賜族而身為大夫則稱
名無駭俠之類是也巳賜族而使之世為大夫則稱
族如仲叔季孫之類是也古者置卿必求賢德不以
世官伊陟象賢復相大戊丁公世美入掌兵權不以
世故疑之也
年伯輿之大夫曰平王東遷吾
七姓從王賜之駢旄之盟 襄十一年同盟于亳載

書曰七姓十二國之祖

晉魯衛鄭曹滕姬姓邾小邾

位 楚語觀射父曰民之徹官百王公之子弟質能
言能聽徹其官者物賜之姓以監其官謂之百姓物

也司馬大史之屬姓有徹品十于王謂之千品單襄
公曰有分族十周 後魏禮志許叔重五經異義云

今春秋公羊穀梁說卿大夫世位則權兼一姓謂周
尹氏齊崔氏也古春秋左氏說卿大夫皆得世祿傳
曰官族易曰食舊德書曰世選爾勞詩云不顯弈世

堯賜姓號

商頌正義中候握河紀云堯曰嗟朕無德欽奉丕圖
賜爾二三子斯封稷契臯陶賜姓號注契為子稷為
姬臯陶未聞禮記正義鄭駁異義云炎帝姓姜太
皞所賜黃帝姓姬炎帝所賜故堯賜伯夷姓曰姜禹
姓曰姁契姓曰子稷姓曰姬著在書傳是天子賜姓
也諸侯賜卿大夫以氏若同姓公之子曰公子公之
之子曰公孫公孫之子其親已遠以王父字為氏若
適子以五十字伯仲為氏若魯之仲孫季孫是也庶
子以二十字為氏則展氏臧氏是也異姓則以父祖
官及所食邑為氏則司馬司城是也以邑為氏若韓

趙是也凡賜氏族者為卿乃賜大功德生賜以公
若叔孫得臣是也以公子之字賜為族若仲遂是也
無功德死後乃賜族若無駭是也若子孫不為卿其
君不賜族自以王父字為族也

高陽高辛十六族

左傳高陽氏有才子八人蒼舒賈豷禱戲大臨謂之
八愷高辛氏有才子八人伯翳仲堪叔獻季仲謂之
八元此十六族也世濟其美不隕其名

祝融八姓

鄭語史伯曰黎為高辛氏火正吳回故命之曰祝融

能昭顯天地之光明以生柔嘉材其後八姓祝融之

彭秃於周未有侯伯已姓昆吾蘇顧温董其

姓駸夷豢龍已姓彭姓彭祖豕韋諸稽大彭也豕韋

封秃姓舟人之彭祖之彭祖妘姓郇鄆路偃陽曹姓鄒莒斟姓

無後融之興者其芊姓乎芊姓夔越不足命也惟荆

實有昭德春秋疏世本氏姓篇云任姓

謝韋薛舒呂祝終泉畢過

禹錫土姓

禹貢錫土姓注天子建德因生以賜姓謂有德之人

注此地以此地名賜之姓以顯之鄭玄注謂昨

之別生分類注生姓也別其姓族分其類使相從

國語帝胙禹以天下賜姓曰姒氏曰有夏胙四岳國

命為侯伯賜姓曰姜氏曰有呂史記紀舜封契于

商賜姓子氏棄別姓姬氏秦之先栢翳舜賜姓嬴氏

傳舜賜董父姓曰董氏曰豢龍胡公周賜之姓論

衡古者因生賜姓若夏吞薏苡而生則姓苡氏商吞

燕子而生則姓子氏周履大人綦則姬氏舌者有本

姓有氏姓陶氏田氏事之氏姓也上官氏司馬氏吏

之氏姓也孟氏仲氏王父字之氏姓也

夏商姓氏

史記太史公曰禹為姒姓其後分封用國為姓故有

夏后氏有扈氏有男氏斟尋氏彤城氏褒氏費氏杞氏繒氏辛氏冥氏斟氏戈氏契為子姓其後分封以國為姓有殷氏來氏宋氏空桐氏稚氏北殷氏目夷氏

商氏六族 七族

見分器

周譜 春秋歷譜謀

漢溝洫志大司空掾王橫引周譜云定王五年河徙

注如淳曰世統譜謀也 藝文志歷譜帝王諸侯世

譜二十卷古來帝王年譜五卷漢元殷周謀歷十七

史記三代世表云云見五帝繫謀十二諸侯

表太史公讀春秋歷譜謀至周厲王廢書而歎索隱

自古為春秋學者有年歷譜謀之說 南史劉杳云

桓譚新論云太史公三代世表旁行邪上並效周譜

漢張衡傳一介之策各有攸建子長謀之爛然有

第注功臣唐柳芳曰司馬遷因周譜明世家

張蒼歷譜五德 杜元凱作春秋長歷及公子譜

周繫世 世本

禮瞽矇諷誦詩世奠繫注杜子春云小史主次序先

王之世昭穆之繫述其德行瞽矇主誦詩并誦世繫

四丹十 玉每卷五十一

以戒勸人君故國語曰教之世以休懼其動玄謂世

之而定其世繫謂書於世本也小史掌邦國之志

定繫世辨昭穆注帝繫世本之屬疏天子謂之帝繫

諸侯謂之世本魯語宗有司曰工史書世工瞽大

次世之後宗祝書昭穆宗伯掌其禮宗廟之有昭穆以

語申叔時曰教之世而為之昭明德廢幽昏先王之

世繫也大傳繫之以姓而弗別周道然也始祖高

官記黃帝以來訖春秋時諸侯大夫隋志世本正

侯大夫譜二卷世本二卷劉向撰世本四卷宋衷撰

錄一卷宋均注帝譜世本七卷王氏注世本譜二卷

本顏之推云世本左丘明以來至春秋時帝王公侯卿大夫祖世所出遷采世

所出故世本之篇言姓則在上言氏則在下也劉向

曰世本古史官明於古事者所記錄黃顛以來至春

秋時王侯諸國世卿大夫名字號與左氏合錄黃顛

以來帝王諸侯及卿大夫系謚名號凡十五篇春秋正義今之世本與司

馬遷言不同世本多誤不足依憑又引世本氏姓篇

言十國皆任姓書正義案今世本帝繫二禮注引

世本有作篇記諸作事云孟子注引世史通能

言吾祖邾子見師不識其先籍談見笑周撰世本式

辨諸宗楚置三閭實掌王族通監外紀世本經秦

歷漢儒者改易大戴禮出於世本國史志崔表世

本圖一卷

周語仲山父曰司商協名姓注司商掌賜族受姓之

官商金聲清謂人始生吹律合之定其姓名白虎

通古者聖人吹律定姓以記其族人含五常而生聲

有五音易類謀黃帝吹律以定姓孔子京房亦然

禮秋官司約治民之約注若懷宗九姓在晉殷民

六族七族在魯衛易正義按世譜等群書神農一

曰連山氏云云詩生民疏大戴禮帝繫篇云帝嚳

卜其四妃之子皆有天下云云家語世本其文亦然

毛傳司馬遷為五帝本紀皆依用焉唐張說曰古

未有姓自炎帝之姜黃帝之姬始因所生地而為姓
 其後天子建德因生賜姓小司馬二皇純神農其後
向申呂皆姜姓
後並為諸侯
 古三墳有姓紀一篇代太古河圖

五宗

禮記大傳別子為祖繼別為宗繼禰者為小宗有百
 世不遷之宗有五世則遷之宗疏百世不遷謂大宗
 也百世不遷者別子之後也宗其繼別子之所自出
 者百世不遷者也五世則遷者繼高祖者也宗其繼
 高祖者五世則遷者也注別子諸侯之廢子別為
 後世為始祖也別子之世適族人尊之謂之大宗

是宗子也別子庶子之長子為其昆弟為宗謂之小
 宗以其將遷也小宗有四或繼高祖或繼曾祖或繼
 祖或繼禰疏小宗雖四初皆繼禰為始一書大傳宗
 室有事族人皆侍終日大宗已侍於賓奠然後燕私
 注禮志云別子為祖繼別為大宗繼禰為小宗白
 虎通宗族篇大宗能率小宗小宗能率群弟宗其為
 始祖後者為大宗此百世之所宗也宗其為高祖後
 者五世而遷者也高祖遷於上宗則易於下宗其為
 曾祖後者為曾祖宗其為祖後者為祖宗宗其為
 父後者為父宗以上至高祖宗皆為小宗以其轉遷

別於大宗也別子者自為其子孫為祖繼別也各自為宗小宗有四大宗有一凡有五宗一儀禮大宗者尊之統也收族者也詩公劉君之宗之注為之君為之大宗也呂氏期古者建國左傳大夫有貳宗注宗者係姓受氏以守宗祊周書允文篇選同氏姓位之宗子隋志禮類梁有五宗圖一卷

晉九宗

見官制

三代世表

譜牒

史記自序三代尚矣年紀不可考蓋取之譜牒舊聞

作三代世表第一周室衰微諸侯專政春秋有紀而譜牒經畧作十二諸侯年表第二呂氏曰史記十表意義弘深三代世表以世系為主以觀百世之本支黃帝之初先列譜系以祖宗為經子孫為緯則五帝三代皆出黃帝可知矣世系未久可盡信然叙載本支則古法也周成王之後詳列諸侯以世為經以國為緯則親疏之相輔可知顯帝以下周武以上有經無緯止列世系而大治亂附焉則正嫡旁支之繼統可知今本自顯帝至帝芒猶有經有緯蓋長借譜系上方書帝王之世耳

春秋公子譜

書目春秋公子血脉譜其傳本曰荀卿撰秦譜下
及項滅子嬰之際非荀卿作明矣然枝分派別如指
諸掌非殫見洽聞不能為其間不無訛謬 中興書

目一卷唐楊蘊撰

崇文目春秋類演左傳謚族圖

五卷春秋世譜七卷帝王歷紀譜二卷春秋宗族名
謚譜五卷 春秋正義杜預采太史公書世本旁引

傳記以為世族譜預作春秋公子譜 隋志春秋之

氏諸大夫世譜十三卷

屈原為楚三閭大夫掌王族三姓曰昭屈景平其譜

屬率其賢良以厲國士

漢帝本系

漢高紀贊春秋晉史蔡墨有言陶唐氏既衰其後有

劉累學擾龍事孔甲范氏其後也而大夫范宣子亦

曰祖自虞以上為陶唐氏在夏為御龍氏在商為豕

韋氏在周為唐壯氏晉主夏盟為范氏范氏為士師

魯文公世奔秦後歸于晉其處者為劉氏劉向云戰

國時劉氏自秦獲于魏秦滅魏遷大梁都于豐是以

頌高祖曰漢帝本系出自唐帝降及于周在秦作劉

涉魏而東遂為豐公豐公蓋太上皇父及高祖即位

置祠祀官則有秦晉梁荆之巫世祠天地綴之以祀
豈不信哉 王命論劉氏承堯之祚氏族之世著乎
春秋唐據火德而漢紹之

漢帝王譜 世譜 年譜

志歷譜十八家帝王諸侯世譜二十卷古來帝王年

譜五卷 又見上 隋志漢氏帝王譜三卷 唐志漢初

得世本叙黃帝已來祖世所出而漢又有帝王年譜

盧植傳獻書竇武曰今同宗相後披圖案牒以次

建之

漢屬籍

見宗戚類

漢諸王世譜 宗正著錄

並見後

漢官譜 譜學見下 舊德名氏

唐柳冲傳後漢有鄧氏官譜 隋志云晉 應劭有氏族

一篇王符潛夫論亦有姓氏一篇何承天有姓苑三

篇譜學大抵具此 又有類川譜 守 文選注七畧曰

子雲家謀言以甘露元年生 西都賦士食舊德之

名氏

漢居官姓號

考工記注其曰某氏者官有世功若族有世業以氏名官者也若築治鳧巢桃李表之類食貨志武帝

之初國家亡事為吏者長子孫居官者以為姓號

王嘉傳孝文時吏居官者或長子孫以官為氏倉氏

庫氏則倉庫吏之後也廣韻王符潛夫論姓氏志

曰東門西郭南宮北郭皆是因居也風俗通曰凡氏

之興九事一氏於號唐虞夏殷是也姓氏篇序四氏於國

齊魯宋衛是也

漢外屬圖

賈融傳在河西聞光武即位決策東向五年夏遣

文劉鈞率書獻魏置一及融與五郡太守共砥礪

馬上疏請師期帝深美之賜以外屬圖及太史公

宗外戚世家魏其侯列傳詔報曰每自念外屬孝景

皇帝出自竇氏定王景帝之子朕之所祖昔魏其一

言繼統以正長君少君尊奉師傅修成淑德施及子

孫此皇太后神靈上天祐漢也

薛綜五宗圖

吳志薛綜定五宗圖通典薛綜述鄭氏禮五宗圖

曰天子之子稱王子王子封諸侯若魯衛是也諸侯

之子稱公子公子還自仕食菜於其國為卿大夫若

魯公子季友是也則子孫自立此公子之廟謂之別子為祖則嫡嫡相承作大宗百代不絕大宗之庶子則皆為小宗小宗有四五代而遷已身庶也宗禰宗已父庶也宗祖宗已祖庶也宗曾祖宗已曾祖庶也宗高祖宗已高祖庶也則遷而唯宗大宗 晉杜元凱宗譜云云賀循宗義曰太祖之代則為大宗宗之本統故也支子旁親非大祖之統謂之小宗 傳統問賀循云云殷浩問范宣云云 曹述初集解明宗義曰其士大夫之適者此為諸侯別子之後也 庾亮問賀循曰祖宗之正不易則本枝昭穆歷百代而不

此立宗之大旨也云云曰禮宗子之義所以明大祖之正統紀百代而不紊 漢石渠禮議曰聞人通典與聖云云 賀循宗義曰奉宗加於常禮平居即每事諮告 文中子曰宗祖廢而氏姓離矣 張勃吳錄吳八族 陳桓曰靈公孫司馬後傳四姓未張顧堂 魏管寧傳注博子曰寧以世多兵變氏族者著氏姓論以原本世系 晉族姓召穆記

隋志晉摯虞作族姓昭穆記十卷 晉亂已止 摯虞傳以漢末喪亂譜傳多云云夫雖其子孫不能言其先

祖撰族姓昭穆十卷上疏進之以爲足以備物致用
廣多聞之益 **史通**晉有華虞族姓記 郭頊撰魏晉
世譜十卷

祭統有事於太廟群昭群穆咸在而不失其倫注謂

同宗父子皆來 **孝經**疏昭明也穆教也故昭南向

後漢志注決疑要注曰凡昭穆父南面故

昭昭明也子北面故曰穆穆順也始祖特於北其

後以次夾始祖而南昭在左穆在東相對蔡邕明堂

論引禮記昭穆篇曰祀先賢于西學所以教諸侯之

朱子曰昭之右明之其讀爲韶者晉避諱而改

之禮書作昭字者假借而通用耳裕于廟室群昭南

向取其向明群穆北向取其深遠

晉姓氏簿狀 宋百家譜 齊百家譜

梁百家譜 宋姓苑 姓氏英賢譜 國

親傳 姓氏要狀 百氏譜記 譜學

南齊賈淵傳字希鏡祖弼之父匪之世傳譜學先是

譜學未有名家弼之廣集百氏譜記專心治業晉太

元中朝廷給弼之令史書吏撰定繕寫藏祕閣乃遷

左民曹及淵三世傳學凡十八州士族譜合百卷七

百餘卷該究精悉當世莫比永明中衛軍王儉抄次

百家譜與淵參懷撰定撰氏族要狀及人名書並行於世。梁王僧孺傳入直西省知撰譜事武帝留意

譜籍因詔僧孺改定百家譜始晉太元中賈弼薦好簿狀廣集眾家大搜群族撰十八州一百十六郡合

七百十二卷凡諸大品畧無遺闕劉湛為選曹始撰百

家以助銓序傷於寡畧隋志梁有宋譜四卷劉湛百畧齊王儉復加去取得繁省之秉僧孺通范陽張等凡族以代鴈門解等九姓其東南諸族別為一部不在

百家之數集十八州譜七百一十卷百家譜集抄十

五卷隋志同東南譜集抄十卷徐勉該薛綜百氏譜

其傳隋志案梁有王司空新集諸州譜十二卷別有諸姓譜一百十六卷益州譜四十卷關東關

譜三十三卷梁武帝摠書境內十八州譜六百九十六卷儀注有國親皇太子序親簿一卷唐柳沖傳

太元中散騎常侍河東賈弼撰姓氏簿狀十八州百

十六郡合七百一十二篇藏祕閣副在左戶甄拔

士庶無所遺宋王弘劉湛好其書弘日對千客可不犯一人諱湛為選曹撰百家譜二卷以助銓序文傷寡省王儉又廣之隋志云儉十卷王僧孺演益為十八篇隋志卷三東南諸族自為一篇不入百家數續

譜二卷拾弼傳子匪之匪之傳子希鏡希鏡撰姓氏

要狀十五篇尤所譜究希鏡傳子執執更作姓氏英

賢一百篇文選注引錄又著百家譜隋志廣兩王

所記執傳其孫冠冠撰梁國親皇太子序親簿四篇

王氏之學本於賈氏唐興言譜者以路融淳為宗柳

冲韋述次之李守素亦明姓氏時眉肉譜者後有李

公淹蕭穎士殷寅孔至為世所稱初淳有魯氏官譜

應劭有氏族一篇王符潛夫論亦有姓氏一篇宋何

承天有姓苑二篇隋志何氏一卷譜學大抵具此魏

大和時詔諸郡中正各列本土姓族次第為舉選格

藝文志晉冠國親皇

王儉百家集譜十卷王僧孺百家譜

三卷又十八川譜七百一十二卷賈執百家譜五

卷隋志何承天英譜沈約謂周漢之道以智役

苑十卷賈希鏡氏族要狀十五卷

裴子野謂三公之子傲九

役賤

棘之家黃散之英譜幾令長之室

元魏孝文大和二千年正月定諸州士族後魏書有

官氏志李彪謂若取門地魯三卿就若四科一隋

至

志魏遷洛有八氏下姓三十六族九十二姓其中國

人士有四海大姓郡姓州姓縣姓史通譜牒之作

盛於中古漢有趙三輔决録晉有擊虞氏族記江

左有兩王百家譜中原有方思殿格

芳論善言譜者繫之地望而不感質之姓氏而無疑

綴之昏姻而有別東之人質故尚婚姬江左之人

文故尚人物關中之人雄故尚冠冕代北之人武故

尚貴戚鄭樵曰魏立九品置中正州大中正主簿

郡中正功曹各有簿狀以備選舉晉宋齊梁因之

賈弼宋王洪齊王儉梁王僧孺各有百家譜徐勉

百官譜宋何承天撰姓死與後魏河南官氏志二書

尤以為姓氏家所宗

晉籍

南史王僧孺傳梁武帝時知撰譜事先是尚書令沈

約以為晉咸和初蘇峻作亂文籍無遺後起咸和二

年以至於宋所書皆詳實並在下省左戶曹前廂謂

之晉籍有東西二庫宋元嘉二十七年以七條召發

偽狀巧籍滋廣齊惠甘不實於是東堂校籍置郎令

史掌之競行貨以新換故詔書甲子不與長歷相應

校籍諸郎亦所不覺宋齊士庶不分職由於此竊以

晉籍所餘宜加實愛。帝以是留意譜籍。因詔僧孺改定百家譜。見上。書建元二年詔曰：黃籍人之大綱，乃別置校籍官。今史。晉陽秋初，陳群為吏部尚書，制九格登用。由中正考之簿世，然後授任。王戎門調戶選。

唐譜牒十家

歐文志乙部史錄十一曰：譜牒類十七家。三十九部。一千六百十七卷。宋世本四卷。世本別錄一卷。宋均注帝譜世本七卷。士氏注世本譜二卷。漢氏帝王譜二卷。齊永元年中表簿六卷。梁大同四年表簿三

卷。齊梁宗簿三卷。梁親表譜五卷。後魏皇帝宗族譜四卷。元暉業後魏辨宗錄二卷。後魏譜二卷。後魏方司格一卷。齊高氏譜六卷。周宇文氏譜一卷。賈冠國親皇太子親傳四卷。王儉百家集譜十卷。王僧孺百家譜三十卷。又十八州譜七百一十六卷。徐勉百官譜二十卷。賈執百家譜五卷。又姓氏英賢譜一百卷。何承天姓苑十卷。賈希鏡氏族要狀十五卷。官族傳十五卷。冀州姓族譜七卷。洪州諸姓譜九卷。袁州諸姓譜七卷。司馬氏世家二卷。楊氏譜一卷。楊氏蘇氏譜一卷。孫氏譜記十五卷。韋氏譜十卷。韋鼎裴氏家

譜二十卷。裴守真大唐氏族志一百卷。高士廉撰姓

氏譜二百卷。許敬宗撰柳冲大唐姓族系錄二百卷。

路敬淳衣冠譜六十卷。著姓畧記二十卷。不著錄二

十二家。三百三十三卷。王元感姓氏實論至諱行錄

紀百氏之譜。謀者有姓苑畧氏族錄。開元譜。新定譜

牒。元和姓纂。姓林。唐官姓氏記。及家譜之屬。紀皇室

之譜。牒者有永泰新譜。續譜。皇唐玉牒。行樓。維城錄

天潢源派譜。皇室新譜。皇孫郡縣主譜之類。他如宰相

甲族。孔子系葉傳。不可勝紀。唐世譜牒備。士大夫以

六典譜系類世本等四十一部。三百六十卷。隋志

通七書合五十三部一千二百八十卷。舊志雜譜

牒五十五部一千六百九十一卷。崇文目氏族四

十一部一百一十二卷。中興書目譜牒五十五家

一百一十一卷。續目四家四十六卷。景德龍圖閣

史傳閣譜牒九十九卷

隋志書稱別生分類傳曰天子建德因生賜姓周家

小史定繫世辨昭穆亦史之職也

唐氏族志 姓氏錄

高士廉傳。太宗嘗以山東士人尚閥閱。後雖衰。子孫

猶負世望。嫁娶必多取資。故人謂之賣昏。由是詔士

廉韋挺岑文本令狐德棻茶責天下譜牒參攷史傳檢
正真偽進忠賢退悖惡先宗室後外姓退新門進舊
望左膏梁右寒畯合二百九十三姓千六百五十一
家爲九等號曰氏族志而崔幹仍居第一帝曰我於
崔盧李鄭無嫌顧其世衰不復冠冕猶恃舊地以取
貨不肖子偃然自高販鬻松檟不鮮一問何爲貴之
高齊據河北梁陳在江南雖有人物偏方下國無可
貴者故以崔盧王謝爲重今謀士勞臣以忠孝學藝
從我定天下者何容紉賢舊門向聲背實買昏爲榮
也正觀十六年六月太上有立德其次有立功其次

有立言其爵爲公侯卿大夫世世不絕此之謂門戶
今皆反是豈不惑耶朕以今日冠冕爲等級高下遂
以崔幹爲第三姓班其書天下贊古者受氏以旌有
功是時人皆主著故名宗望姓舉郡國自表而譜系與
焉遺晉播遷胡醜亂華百宗蕩析士去墳墓子孫猶
挾系錄以示所承而闕閱顯者至賣昏求財汨喪廉
恥唐初流弊仍甚天子屢抑猶不爲衰至中葉風教
又薄譜錄都廢公靡常產之拘士無舊德之傳言李
者悉出隴西言劉者悉出彭城悠悠世祚訖無考按
冠冕皂隸混爲一區可太息哉

藝文志 大唐氏族

志一百卷士廉擬文本德茶等撰

會要正觀十二年正月十五日修氏族志一百卷崔幹為第三餘同

士廉傳舊紀十二年正月乙未吏部尚書高士廉

等上一百三十卷顯慶四年九月五日改為姓氏錄

上親製序仍自裁其類例鄧名世曰唐宰相表九

十三族至鍾陳韓高之氏亦有訛舛

唐姓氏錄 勳格

高士廉傳高宗時許敬宗以氏族志不叙武后世李

府耻其家無名更以孔志約楊仁卿史玄道呂才

十二人刊定之裁廣類例合二百三十五姓二千

二百八十七家帝自叙所以然以四后姓鄼公介

三公太了三師開府儀同三司尚書僕射為第一

文武二品及知政事三品為二姓各以品位高下

叙之凡九等取身及昆弟子孫餘屬不入改為姓氏

錄顯慶四年當時軍功入五品者昇譜限縉紳耻言

為目為勳格義府奏悉索氏族志燒之又詔後魏隴

西李寶太原王瓊滎陽鄭温范陽盧子儀盧潭盧輔

清河崔宗伯崔元孫前燕博陵崔懿晉趙郡李楷兄

七姓十家不得自為昏姻十月壬戌會要顯慶三品

以上納幣不得過三百匹四品五品二百六品七品

百悉為歸裝夫氏禁受門財先是後魏太和中定四海望族以寶等為冠其後尚門地故氏族志一切降之王妃主婿皆取當時勳貴名臣家未嘗尚山東舊族房玄齡魏徵李勣復與昏故望不減然每姓第其房望雖一姓中高下縣隔李義府為子求昏不得始奏禁焉其後天下衰宗落譜昭穆所不齒者皆稱禁昏家益自貴凡男女潛相聘娶天子不能禁世以為敝云

張說傳武后嘗問氏族皆本炎黃之裔則上古乃無百姓乎若為朕言之說曰古未有姓若夷狄然自炎帝之妻黃帝之姬始因所生地而為之姓其

後天子建德因生賜姓黃帝二十五子而得姓者十有四德同者姓同德異者姓殊其後或以官或以國或以正父之字始為賜族久而為姓降唐虞抵戰國姓族漸廣周襄列國既滅其民各以舊國為之氏下及兩漢人皆有姓故姓之以國者韓陳許鄭魯衛趙魏為多后曰善

魏文志姓氏譜二百卷許敬宗李義府孔志約楊仁卿史玄道呂才撰

會要顯慶四年九月五日通鑑詔改氏族志為姓氏錄上親製序仍自裁其類例凡二百四十五姓二百八十七家呂才等十二人商量編錄

趙瑩曰古者衣冠之家

書于圖籍中正清議以定品流故有家史家傳族譜
族圖江左百家軒裳綴軌山東四姓簪組盈朝

唐姓族系錄 族譜揔說

柳冲傳景龍中遷左散騎常侍脩國史初太宗命諸
儒撰氏族志甄差群姓其後門胄興替不常冲請改
脩其書帝詔魏元忠張錫蕭至忠崔義崔湜徐堅劉
憲吳兢八人及冲共取功德時望國籍之家等而次
之夷蕃酋長襲冠帶者折著別品會元忠等相繼物
故至先天時復詔冲及堅兢與魏知古陸象先劉子
玄等討綴書乃成號姓系錄冲表曰姓氏之初世本
著其義昭穆之系周譜

列其風漢晉之年應擊明宋系之源開元初詔冲與薛

南金復加刊竄乃定後柳芳著論甚詳芳之言曰氏
族者古史官所記也昔周小史定繫世辨昭穆故古
者有世本錄黃帝以來至春秋時諸侯卿大夫名號
繼統左丘明傳春秋亦言天子建德因生以賜姓昨
之士而命之氏諸侯以字為氏以謚為族昔堯賜伯
禹姓曰姒氏曰有夏伯尼姓曰姜氏曰有呂下及三
代官有世功則有官族邑亦如之後世或氏於國則
齊魯秦吳氏於謚則文武成宣氏於官則司馬司徒
氏則爵則王孫公孫氏於字則孟孫叔孫氏於居則

東門北郭氏於志則三鳥五鹿氏於事則巫乙匠陶

於是受姓命氏粲然舉矣禮記疏天子賜姓魯

之仲孫季孫是也以字為氏展氏韓氏趙氏魏氏是也異姓以

官為氏司馬司城是也以字為氏韓氏趙氏魏氏是也異姓以

俗暹氏於事並下陶匠是也志氏廣韻注東門西門袁郭

北郭所謂居也三鳥五鹿青牛白馬所託志也伯仲

叔季為氏或公或子公纒為氏或父之母弟列伯仲

本系漢興司馬遷父子乃約世本修史記因周譜明

世家乃知姓氏之所由出虞夏商周昆吾大彭豳韋

齊桓晉文皆同祖也更王迭伯多者千祀少者數十

代先王之封既絕後嗣蒙其福猶為暹家漢高帝興

徒步有天下命官以賔詔爵以功誓曰非劉氏不王

無功侯者天下共誅之先王公卿之胄才則用不才

弃之不辨士與庶族然則始尚官矣然猶徙山東慕

傑以實京師齊田與楚屈昭景皆右姓也其後進拔

英豪論而錄之蓋七相五公之所由興也魏氏立九

品置中正尊世胄卑寒士權歸右姓以其州大中正

主之晉宋因之始尚姓已然其別貴賤分士庶不可

易也于時有司選舉必稽譜籍而考其真偽故官有

世胄譜有世官賈氏王氏譜學出焉由是有譜局令

史職皆具過江則為僑姓王謝袁蕭為大東南則為

吳姓朱張顧陸爲大山東則爲郡姓王崔盧李鄭爲
大關中亦號郡姓韋裴柳薛楊杜首之代北則爲虜
姓元長孫宇文于陸源實首之虜姓者魏孝文帝遷
洛有八氏十姓三十六族九十二姓八氏十姓出於
帝宗屬或諸國從魏者三十六族九十二姓世爲部
落大人並號河南洛陽人郡姓者以中國士人差第
閥閱之制凡三世有三公者曰膏粱有令僕者曰華
腹尚書領護而上者爲甲姓九卿若方伯者爲乙姓
散騎常侍太中大夫者爲丙姓吏部正員外郎爲丁
姓凡得入者謂之四姓故江左氏族凡郡上姓第一

則爲右姓大和以郡四姓爲左姓齊浮屠曇剛類例
凡甲門爲右姓周建德氏族以四海通望爲右姓隋
開皇氏族以上品茂姓爲右姓唐貞觀氏族志凡第
一等爲右姓路氏著姓畧以盛門爲右姓柳冲姓族
系錄凡四海望族則爲右姓不通歷代之說不可以
言譜也

志柳冲大唐姓族系錄二百卷 岑義氏族

會要神龍元年五月十八日柳冲上表願

錄卷七

修氏族之譜上從之令左僕射魏元忠等八人重修
至先天二年三月柳冲奏所修姓族錄成上之凡二
百卷又令刊定至開元二年七月一十二日畢上之

昭文館學士柳冲左庶子劉子玄舊紀七月景年上

徐堅碑云及柳冲等

同修姓氏系錄 鄭樵氏族畧曰姓氏之學最盛於

唐而國姓無定論林寶作元和姓纂而自姓不知所

由來自隋唐而上官有簿狀家有譜系官之選舉必

由簿狀家之婚姻必由譜系歷代並有圖譜局置郎

令史掌之仍用博通古今之儒知撰譜事凡百官族

姓之有家狀者上之官為考定詳實藏於秘閣副在

左戶

唐編古命氏

書目永隆二年李利涉撰三卷凡二百五十六姓著

胄系之始其末又載諸氏族譜一卷云梁天監七年

中丞王僧孺所撰俾士流案此譜乃通昏姻正觀六

年又命高士廉等定氏族明加禁約云崇文目同

唐官姓氏記

志李利涉唐官姓氏記五卷初十卷後亡其半又編

古命氏三卷

唐劉氏譜

會要長安四年鳳閣舍人劉知幾撰劉氏譜推漢氏

為陸終苗裔非堯之後彭城叢亭里諸劉出自宣帝

曾孫司徒居巢侯劉愷之後不承楚元王交皆援據

三才

王海

三

用

明白前代所誤雖為流俗所譏學者服其該博志
劉氏譜考三卷家史十五卷並劉子玄隋河間劉
善經亦著諸劉譜三十卷

左傳其處者為劉氏正義曰漢初左氏不顯明帝時

賈逵上疏曰五經皆無證圖識明劉氏為堯後者左

氏獨有明文前世借此以求道通故後引之為證

宋朝河南劉氏由政會至煒十一世而世譜具存

唐衣冠譜著姓畧記

路敬厚傳武后時數受詔纂輯慶卹儀典武后稱之

允明姓系自魏晉以降推本其來皆有條序著姓畧

衣冠系譜等百餘篇云唐初姓譜學惟敬厚名家其

後柳冲韋述蕭穎士孔至各有撰次然皆本之路氏

志路敬厚衣冠譜六十卷又著姓畧記二十卷

唐開元譜

韋述傳述好譜學見柳冲所撰姓族系錄二百每私

寫懷之還合則又繕錄故於百氏源流為詳乃更撰

開元譜二十篇述典掌圖書餘四十年任史官二十

志韋述開元譜二十卷

唐姓源韻譜

晁氏志張九齡撰五卷依春秋正典柳氏萬姓錄世

本圖招摭諸書纂為此譜分四聲以便尋閱

唐新定諸家譜錄

志一卷李林甫等書目天下郡望姓氏族譜一卷

李林甫等撰崇文目同記郡望出處凡三百九十八姓天

寶中頒下非譜裔相承者不許昏姻

唐百家類例

孔至傳歷著作郎明氏族學與韋述蕭穎士柳冲齊

名撰百家類列以張說等為近世新族剝去之說子

用方有寵怒曰天下族姓何豫若事而妄紛紛耶埴

亦素善善至以實告初書成示韋述述謂可傳及聞埴

語懼欲更增損述曰丈夫奮筆成一家書奈何因人

搖動有死不可改遂罷時述及穎士冲皆撰類例而

至書稱工志韋述百家類例三卷孔至姓氏雜錄

一卷會要乾元元年著作郎賈至按賈至傳申單

書舍人徙岳州司馬寶應初召撰百家類例十十九

卷卷其序旨曰以其婚姻成家冠冕備盡則存諸大

譜所紀者唯尊官清職傳記本元分為十卷爰列百

氏其中須有剖析各以當族注之通為百氏以隴西

李氏為第一至正元中左司郎中柳芳論氏族序四

姓則分甲乙丙丁之次列四海士族則先山東載在

唐曆 中興書目 百家類例一卷 工部侍郎韋述撰

又以大唐縉紳進姬周十八姓 大唐相門甲族八十

六家附其後 書目 姓氏古今雜錄一卷 孔至載氏

族冠冕昏妁之盛 又以方數甲乙紀之 陸羽有江

表四姓譜十卷

唐永泰新譜 皇室新譜 宗正譜牒

柳璟傳 初芳永泰中 增腰 七年按宗正譜牒 斷自武

德以昭穆系承撰永泰新譜二十篇 其孫璟開成初

會要 因召對文宗 歎新譜詳悉 詔璟擴接永泰後

事綴成之復為十篇 戶部奉筆札廩料 志 柳芳永

泰新譜二十篇 一作皇帝室新譜 柳璟續譜十卷

會要 舊紀 永泰二年冬十

月七日己丑 宗正卿吳玉祗奏修史官太常博士柳

芳撰皇室永泰新譜二十卷上之 開成四年閏正月

敕翰林學士柳璟修續皇家永泰譜 中興書目 皇

室新譜一卷 李林甫撰 元宗御製序 其譜言李氏之

先出於高陽氏之子咎繇 為堯理官 以官命族 因為

理氏 其後理證得罪于紂 證之子利正 避難於伊侯

之墟 食李而得全 因改理為李氏 咎繇七代孫曰乾

宗先果 天寶二年三月 追尊為先天太皇帝 乾生耳

字伯陽乾封元年二月追尊爲混元皇帝天寶三年三月又加大聖祖自此載唐二十帝

後周武帝敕鮑宏修皇室譜分爲帝緒疏屬賜姓三篇北史元暉業撰魏藩王家世號曰辨宗錄四十

卷唐志

唐續古今人表

志雜史有韓祐續古今人表十卷開元十七年上授太常寺太祝梁江子一續班固九品

唐元和姓纂

志林寶元和姓纂十卷

林寶自庚辰之歲詔加

邊之封朔方之別帥閭某者有司建之是於太原

郡焉閣子上言治爵九士族之而封垂本郡恐非

與翌日上謂相國趙公曰宜召通儒碩士辨卿大夫

之族姓者綜修姓纂每加爵邑則令閱視庶無遺誤

凡二十旬纂成十卷自皇族之外各依四聲類集每

韻之內則以大姓爲首元和七年壬辰十月知制誥

王涯爲後序鄧名世曰姓纂稍能是正數十條而

齊秦之屬亦所未暇至鉏丘茅夷指爲複姓又不勝

其謬矣會要元和七年王涯撰姓纂十卷之上

志又有陳湘姓林五卷王元感姓氏實論十卷崔日

用姓苑畧一卷

唐孔子系葉傳

志黃茶之二卷 崇文目

中興書目闕里譜系世維

一卷元豐中孔子四十六代孫宗翰刻而傳之紹興

五年洪興祖正其缺誤又作先聖年表列之卷首成

鐸重定文宣王家譜一卷 南史劉紹著先聖本記

十卷 家語有本姓解第三十九 春秋正義引家語本姓篇

唐諸臣門族

宰相世系表唐傳世多諸臣亦各修其家法以門族

相高材子賢孫不隕世德或父子相繼居相位或累

數世而屢顯終唐世不絕盛矣 唐相二百六十九

人凡九十八族始於裴氏 宰相二十三人 裴氏十

房十七人 裴氏五房 趙郡李氏六房 張氏十三

人 王氏三房 韋氏九房 十二人 劉氏七房 十

一人 楊氏杜氏 十人 李氏四房 蕭氏二房 九人 鄭氏

二房 唐相北祖 竇氏二房 陸氏魏氏五人 蘇氏

武氏四人 趙氏郭氏韓氏高氏三人 薛氏南祖西祖

于氏 柳 岑 馮 陳 房 宇文 徐 袁氏

二人 戴 姜 孫 許 樂 宗 姚 周 令狐

牛 齊 賈氏 蕭氏八葉 表云齊梁蕭九人 張

廿九 五海卷五十一 廿五 二

氏三世

唐相譜

書目一卷不知作者紀武德元年裴寂為相訖李忠臣大歷十四年拜平章事末云今上大歷十四年五月即位十五年正月一日改元建中所記宰相六人至關播而止蓋德宗時所譜也崇文目宰相甲族一卷藝文志韋述蕭穎士撰記相門甲族王方慶李義琰崔元暉以下凡十四家

唐百氏譜

書目五卷國子助教裴揚休撰凡三百五十八姓漢

姓三百七蕃姓一百二十五姓源韻譜五卷唐曹大宗采諸書述姓氏郡望以四聲類之又一本六張九齡撰所存止三卷崇文目唐氏譜畧一卷

唐書總紀帝系

國史志三卷帝系圖一卷

聖朝臣僚家譜

國史志一卷

太宗時韓溥好談唐朝氏族近世之肉譜

景祐姓解 熙寧姓纂

景祐二年邵思撰姓解三卷凡一百七十門二千五

百六十八氏以偏旁類次自序云歷代功臣名士布
在方冊者次第而書所以恢張世胄其餘踈族異望
削之 熙寧姓纂六卷熙寧中錢明逸撰用聲韻類
次以國姓為首群史姓纂韻譜六卷建炎中黃邦俊
纂錄史傳姓氏
先儒欲收世族復小宗立譜法 呂大臨有宗子議
祖謙有宗法

紹興姓氏書辨證 春秋譜 百族譜

四年三月乙亥撫州鄧名世以所著春秋四譜六卷
辨論譜說十篇古今姓氏書曰辨論四十卷來上吏部

尚書胡松年看詳學有淵源辭亦簡古考訂明切

所按據詔引見殿上二十四卷九月六日賜進士出身

史館校勘書要十一卷序曰春秋時善論姓氏

者曾有眾仲晉有胥臣鄭有行人子羽皆能探討本

源自炎黃而下如指諸掌 專取左氏國語為主

以五經子史之文自風俗通以來如姓苑百家譜

纂凡有所長盡用其說穿鑿訛謬必辨駁之始於國

姓餘分四聲終於漢姓蕃姓補遺凡四十卷續書目

復以熙寧姓纂皇朝百官公卿家譜參訂書始於政

宣而成於紹興之中年名世子椿年哀集次序之其

書始備 紹興中丁維臯撰百族譜三卷自皇朝司馬氏以下百官族姓皆推源流疏派別志名字爵位錄世譜家傳及行狀神道碑之類周必大為序

宋朝氏族志

鄭樵為氏族志五十七卷又有氏族源氏族韻等書幾七十卷 通志有氏族略論得姓受氏有三十二類此外則有四聲又有複姓四聲以氏族不得其所系之本

祿以報功故其世可延位以尊賢故其官當擇

田互出號郭俱開東哲改踈傳之宗輔果易晉卿之號 千秋去田宗隨會別劉氏 漢賜稅侯尚采祭天之義魏親程昱用疇捧日之心 賜姓名 潘岳述家風陸機陳世德

玉海卷第五十

七十八

王治卷五

三十八



西

